

DISSERTATIO INAUGURALIS MEDICA

De

MULTORUM

ATQUE MAGNORUM

MORBORUM REMEDIO, *Abstinenda*

QUAM

RECTORE MAGNIFICENTISSIMO,

SERENISSIMO PRINCIPE AC DOMINO,

DN. FRIDERICO WILHELMO,

PRINCIPE BORUSSIÆ, MARCHIONE BRANDENBURGICO, RELIQUA;

GRATIOSO FACULTATIS MEDICÆ CONSENSU,

PRÆSIDE

DN. GEORGIO ERNESTO STAHL,

CONSIL. AUL. ET ARCHIAT. REG. MED. ET RER. NATU-
RAL. PROFESSORE PUBL. ORDIN. ACADEM. NAT. CUR. COLLEG.

LONGE DIGNISSIMO,

ORDINIS MEDICI h. t. DECANO.

DN. PATRONO, PRÆCEPTORE, AC PROMOTORE SUO

omni Observantia atque Honoris cultu et atem colendo,

PRO GRADU DOCTORIS,

Summisque in Arte Medica Honoribus, Insignibus, ac Privilegiis

Solenni obtinendo more Majorum

Ad d.

Mart. MDCCXIV. horis ante & pomeridianis

IN AUDITORIO MAIORI

Publico Eruditorum examini submittit

Gottfried Biebeg/ Bornens. Mistr.

Medicinæ Practicus.

HALÆ MAGDEBURGICÆ,

Literis CHRISTIANI HENCKELII, Acad. Typogr.

VIRIS

ILLUSTRIBUS, EXCELLENTISSIMUS, GENEROSIS-
SIMIS, PRÆNOBILISSIMIS

DOMINIS

PRÆFECTURÆ BORNENSIS

ORDINIBUS

SEU

AMTSASSIS

UT ET

PRÆNOBILIBUS, AMPLISSIMIS, PRUDENTISSIMIS

atque

DOCTISSIMIS DOMINIS

CONSULIBUS, PRÆTORIBUS, SE-
NATORIBUSQUE

SENATUS BORNENSIS

SPECTATISSIMIS

DNN. GRATIOSISSIMIS, PATRONIS, ET FAUTORIBUS
SUIS

*Æternum summa observantia colendis inauguralem hancce, sub-
missa ac devota mentē, officiosissime,*

D. D. D.

AUTOR.



B. C. D.

PROOEMIUM.



Vantumcunque etiam Vetustatis fastidium, studiumque novitatis quendam ceperit, fateri nihilominus cogitur, fragmenta non pauca hinc & inde in veterum monumentis reperiri, quæ ad veram sapientiam non parum faciunt; quæque sedulò collegisse, suisque rebus accommodasse, vel ipsos ejusmodi antiquitatis osores, nec piget, nec pudet. Mirum sanè, quàm multa paucis, quàm longa brevibus, dixerint. Ut adeo in admodum amplâ multifariarum rerum contemplatione, nihil sæpius reliquum illis maneat, quod vel duobus verbulis non comprehenderint. Sic vetus verbum est: ἀνέχῃς & ἀπέχῃς, sustine & abstine. Quousque autem hoc dicto non penetrant, in melioris vitæ ratione ineundâ? Quid, quod ad ipsam sanitatem, ne de Theologica aut Politica consideratione jam aliquid dicam, conservandam, eamque labefactatam re-

A

paran-

parandam, pro norma satis certa, vel quoad posterius solum membrum, inservire queat. Qua in re utique Celsum, inter principes Medicos haud postremum, valde consentientem habemus, quando abstinentiam toties commendat, eamque **MULTORUM ATQUE MAGNORUM MORBORUM REMEDIUM** esse pronunciat. Argumentum hoc tale nobis visum est, quod **SPECIMINIS INAUGURALIS** loco tractari atque uberius explicari mereatur:

Quamobrem Summum Numen supplices (veneramur, velit hoc in cœpto suâ gratiâ nobis præsens esse, ut quæ in sui gloriam, & proximi emolumentum vergant, proferre valeamus.

Thef. I.

QUandoquidem, in amorem Celsi, verba ejusdem, quibus **ABSTINENTIAM** extollit, in constituendo Disputationis hujus titulo, retinuimus; necesse etiam erit ante omnia exponere, quid ipse iisdem indigitare voluerit; & deinde, cum ulterius progredi nobis propositum sit, mentem quoque nostram de his rebus ritè declarare. Habuit autem ille, uti credi potest, præcipuè ante oculos, universam turbam **FEBRIUM**, & in his *acutas* maximè, *Magnorum* morborum nomine notatas. His omnibus tanquam certissimum auxilium opponit, *Abstinentiam*, & quidem specialissimam, illam *Assumendorum, Cibi, & liberi potûs*: cui insuper *Quietis* præceptum adhuc superaddit; quod tamen nostro, quo *Abstinentiæ* vocabulum accipimus, sensu, supervacaneum adhuc erit, cum in ordine ad *motuum incongruorum* moderamen, & ipsa *Expectatione, Abstinentiæ* regulis jam inclusum sit.

II.

Nos enim *Abstinentiam, multorum atque magnorum morbo-*

morborum remedium agnoscentes, secundum literam hanc vocem interpretamur, ita, ut à quacunque re, quæ *œconomiam* corporis humani lædere, aut ullo modo huic præjudicium afferre potest, atque solet, jam in totum, jam in tantum *abstinere*, jubeamus omnes, qui ejusmodi potens remedium desiderant. Proinde veluti per summos apices in *Genere* hanc rem contemplabimur, cui postmodum quædam huc pertinentes *Species*, subordinandæ veniant. Haud absimile Thema Celeberr. Dn. Præses, harum rerum uti multarum aliàs peritissimus, paucis abhinc annis ventilavit, nisi quod ille *medentem*, nos verò hic mederi aut sibi consuli volentem, pro *Objecto* habeamus atque instruamus.

III.

Quæritur non immeritò, apud eos, qui auxiliorum classes earumque universum apparatus, debitâ notitiâ atque peritiâ pensant, an non ex tam immensò numerò, *unum* inveniri possit, quod *omni* corporis affectioni, *omni ætati*, *omni* etiam *tempori*, sufficiat atque conveniat? Hæsitant quamplures ex Medicis, credulitatem suam tale quid pollicentibus addicere; à posteriori tantum inducti, per tot experimenta infelicitè succedentia, inanem hic operam ludi. Inter quos Excellentissimus Dn. Præses, quo in abstrusioribus rebus detegendis non facilè quisquam solertior, maximè etiam à priori demonstratum dedit, non posse hunc in modum aliquid obtineri: cum planè absolum sit, absque *vitaliter Agentis* in corpore concursu, prout illi sibi sumunt, aliquid efficere velle. Interim non defuerunt hætenus, qui ejusmodi *θεὸν ἀπὸ μηχανῆς* orbi obtruderent; cum licentia, à Paracelso inprimis orta, successu temporis in multos repente se vulgaverit. Firmo nihilominus stetit adhuc stabitque talo, quod omnes, qui absque *συγγείας Naturæ* respectu aliquid quærunt, aut tentant, illos actum agere necessum sit.

IV.

Quemadmodum autem à tali instituto meritò abhorremus, ubi oleum & opera absque omni dubio perdi debet; ita tamen ejusmodi *universale* auxilium quod ἐνέγκειται Naturæ ubique amicè respiciat, foveat atque juvet, negligere & silentio prorsus præterire, religio nobis fuit.

V.

Et profectò, cum verà *Physiologico-Pathologica Theoria*, haud quidquam aliud tam aptè cohæret, atque in se optimæ est consequentiæ, quàm illa meditatio, quâ satis superque edocti, nulla corpori metuenda esse materialia nocumenta, nisi quæ *ab extrâ* in structuram ejus advehuntur; omne id, quod intra corpus admissum, vel *qualitate* vel *quantitate*, vel perversâ etiam *æstimatione*, turbas aut pericula excitare valet, ab hujus consortio arcere suscipimus: ita, ut hoc pacto, nullo non tempore, omnes actus vitales, placidè atque decenter fiant & vigeant: indeque perennis sanitatis conservatio obtineatur. Hac ipsam metam *Abstinentia* attentis oculis præfixam habet, atque eodem omnes nervos intendit.

VI.

Præterea, serio attendendum, quod ipsius *Naturæ methodus*, in superandis morbis, regulam hanc quandoque *πρὸς τὸ σπᾶν* præscribat atque servet; quale quid in *Febribus*, præcipuè *continuis*, vulgo dictis *acutis* contingere solet, ubi ægroti ab omni *carnium* usu, cum peculiari etiam aliqua *aversione, abstinent*. Id, quod non ita *fortuitò*, sine omni respectu ad certum aliquem *finem*, accidat, aliquoties jam laudatus Dn. Præses, dexterrimè enucleavit, & præcipuè *τὸ διότι*, ipsam fiendi rationem, ex evidente ipsius rei indole atque genio, in *Programmate* quodam, sufficienter detexit. Quare etiam non abs re erit, eandem viam, quam *Natura, ex se ipsâ satis docta*, prosequitur, & quam insuper uni-

universo negotio *vitali* apprimè quadrare intelligimus, pro scopo universali abigendorum nociturorum insistere.

VII.

Confirmant adhæc, *Abstinentiæ* communem in morbis utilitatem, passim animadvertæ *Individuales* *Experientiæ*, ubi vel à solo *victu*, *Abstinentia*, omnibus aliis artis tentaminibus, palmam præripuit. Ex multis jam cognitis, unicum tantum exemplum allegare lubet. Juvenis nobili pro- sapia ortus, habitus *Sanguineo-Cholerici*, febrem ardentem incurrit. Ex quâ, an propriâ culpâ, an medentis incuriâ, jam non interpretor, in *Hemitritæum*, infelici prorsus metamorphosi conjectus, ita tandem omnis medicationis, imò ferè ipsius vitæ, pertæsus, cùm non per septimanas aliquot, sed per plures menses, malum duraret, firmiter secum constituit, tam ab omni medicatione, quàm à victu etiam, quoad usquam valeret, penitus *abstinere*. Quid fit? Per aliquot dies toleratâ sic ab omni victu *abstinentiâ*, natura, quamvis vires sensim deficere viderentur, operosum nihilominus & maximè salutarem nîsum instituit, quò per *vomitum* materia ex atro *viridescens*, & valdè *tenax*, expellebatur. Quò factò tam pertinax malum simul & semel cessavit, atque perfecta Euphoria hanc methodum consecuta est.

VIII.

Idem observare sæpius licebit, harum rerum curiosis, adeò, ut illis in ejusmodi historias inquirentibus, atque tales audire volentibus, planè non futurum sit novum, quosdam vel solâ ab assumendis *abstinentia*, sanitati fuisse restitutos. Qualem etiam observationem, nonnullis ansam præbuisse nulli dubitamus, ut peculiari methodo, quam *inediam* vocarunt, dicitur *Hunger*. Cur, omnes promiscuè morbos, nimia fiducia, debellare aggrederentur.

IX.

Quod si autem *carentia* solùm *cibi* & *potûs*, velut aliqua saltem *Abstinentiæ* species, hæc potest; quid non *Gene-*

adhi atque *universali* Abſtinentiâ quibuslibet nocivis, præſtare, nobis polliceri poterimus? Certè illa, multis modis, innumerorum, atque *magnorum* morborum, totum & appropriatum eſt remedium. Hoc ipſum uti in antecedentibus *in Genere*, adhuc probatum ivimus, ſic jam in *ſpecie*, ad varia exempla, ut ex illis res clarior evadat, commemoranda progreſſum facimus.

X.

Infantes, quousque *lacte* materno nutriuntur, eousque variis periculis ſunt obnoxii; quibus vel ab ipſa *lactis* craſſiſſis, vel maximam partem à commotionibus *patheticis*, ſub vehiculo *lactis* communicatis, minus eſſent expoſiti, ſi *Abſtinentiæ* locus in tempore relinqueretur. Cuius conſilii ſumma utilitas, imò neceſſitas, vel exinde eluceſcit, quod, ubi undique circumſpicientibus ad ejusmodi incommoda avertenda, nullum amplius remedium ſuppetit, ad ſolam *Abſtinentiam* ſvadendam, opportunè recurrant, matrique injungant ab ulteriori lactatione deſiſtere, aut nutricem mutare. Ibi omnes etiam res, utut anteatrulentæ, ad oculum tranquillæ redduntur, ſolâ illa intermiſſione imperatâ, nec ullum aliud artis instrumentum aut à *Pharmacîâ* aut *Chirurgiâ* ulterius expectant.

XI.

Porro, quoad *educationem*, peculiaris *Abſtinentiæ*, *ſuſceptæ* aut *neglectæ* ratio, in *morum* formatione ſeſe manifeſtat; ſiquidem nonnulli liberi, nimîâ Parentum lenitate, variis tergiverſationibus aut concupiſcentiis, ita ſæpius aſſueſcunt, ut inſigne detrimentum inde ipſis etiam circa *ſanitatem*, *per totam vitam*, immineat. Ubi è contra his, mirum quantum melioris conditionis eſſe obſervamus, illos, quorum Parentes tempeſtivè invigilant, ne *Inſuetudines* aut *adſuetudines* tales, difficillimè poſteâ, aut fermè nunquam deſcendæ, teneræ adhuc ætati per malam conniventiam imprimantur. Præſtici animum hic debitè advertentes, omni-

um optimè intelligunt, quid sibi dictum illud velit: à *teneris* *adsvescere*, *multum est*, & quantum expediat ab ejusmodi rebus à *teneris abstinuisse*.

XII.

Hæc ad illos pertinebant, qui respectu *moderandæ* sanitäts, per aliquod tempus in aliorum potestate sunt. Jam ad alium gregem, *Adultos* nimirum, deveniendum; atque ibi etiam unum vel alterum specialis Abſtinentiæ exemplar commemorandum. Hic, primo omnium loco, amplissimæ *Dietæ* regulæ se offerunt; quæ singulæ sub illâ à nobis descriptâ *abſtinentia*, velut suo debito *Genere* ſtant: quæque nihil prorsus aliud continent, quam *cautelas* varias, à quibus rebus, quomodo, quô tempore, in quantum, *abſtinendum* sit.

XIII.

Monitores atque Commentatores hoc in negotio cum neutiquam deficiant, quos inter *Sanctorius* ad *examinis* observationem usque scrupulosus est; non licebit figillatim illas *sex res non naturales* dictas, ordine recensere & tanquam per ejusmodi divisum *Zodiacum*, labore supervacaneò, aliisque dudum suscepto, decurrere; quoniam nec proposita nobis ratio illud fieri permittit, qua hinc & inde *specialis* Abſtinentiæ exempla tantum colligere, non autem *Dieteticæ* Professore agere, tenemur.

XIV.

Interim liberum nobis servamus, quæ ex his rebus, nostro huic scopo apprimè inservire queant, ex quacunque classe aptum visum fuerit, desumere. Quale quid circa *Assumenda* in superioribus jam tetigimus. Est hæc illa *Abſtinentiæ* species, ad quam aliquando adhuc respicimus communioris vocabuli usus ergo, ut opinor; siquidem plerisque Medico sensu, moderamen circa *cibum* & *potum* tantum, involvit; cum interim quoad *aërem*, *somnum*, *vigilias*, *animi commotiones*, *motum*, *quietem*, *excernenda*, cautum esse, quòd ea omnia etiam sint *Abſtinentiæ*, nemo sollicitè

cité meminerit. Hoc equidem verum est, quod hac in classe *Affumendorum*, magis familiariter delinquere contingat; quam in reliquis, imò quod ipsum delictum, in se, plerumque deinde majus sit, aut majoris periculi, quàm quæ in cæteris committuntur. Modo qui quantitate hic peccant aspiciamus. Nonne sibi hisce rebus *Plethoram* contrahunt? Ex quâ, tanquam ex altero equo Trojano, uti illius civitatis, sic corporis humani, summa calamitas atque everfio exsurgit. Hinc aurea illa Abſtinentiæ Regula omni tempore memori mente tenenda: **NEQUID NIMIS.**

XV.

Circa *Aërem*, Veteres jam peculiare vacillantis artis firmamentum in *Abſtinentiæ* recessu quæſiverunt; & medicamentis nihil proficientibus *mutationem aëris* nonnunquam suadere cœperunt. Hoc ipsum, in primis in ordine ad *malignitatem, pestis*, potissimum tempore, inibi reconditam, an verum fundamentum in re habeat, hic loci quidem non investigabimus; desumimus potiùs inde occasionem ad specialissimam quandam Abſtinentiam deveniendi. In quantum enim de *malignis* ejusmodi *aeris* influentis adhuc potest ambigi, in tantum *de reali contactu*, tale quid pestiferum producendi, apud omnes liquidò constat.

XVI.

Digna videri posset res, quæ in considerationem Medicam veniat, quare rerum non naturalium Classēs constituētes, sub *aëre*, de *Contactu* tam ingens periculum minitante, ne verbum quidem protulerint? Excusandos autem illos omnis in arte Medicâ methodi primos Inventores aliquis putet, ex ea ratione, quòd, quandocunque *contactu*, malignitas ex uno corpore in aliud transmigrat, per *effluvia* quidem halituoſa illud fieri, & sic *aërem* intervenire necesse sit in cujus classem deinde hæc trahi possint: Interim
hanc

hanc non ampliùs esse ipsius aëris quasi intimius propriam culpam, sed alienarum, non jam ampliùs ad rerum non naturalium, sed directè & absolutè, rerum p. n. censum, pertinentium: quæ per accidens aëri irrepsérunt.

XVII.

Enim verò accuratius rem æstimantes siquidem aër & alibi in morem vehiculi se habet, & nonnunquam etiam propinquior affricatio accedere debet, facillimè perspiciunt falso negligentiae inculatum iri. Quicquid horum sit, nostra jam parum refert, ipsam rem modo intuentes, quod ita contingat, per *contagium* morbos propagari. Audivimus eheu! puto hætenus, per miseram nostram Germaniam, tot belli calamitatibus alias satis pressam, morborum omnium pessimum, *pestem*, huc illuc serpere, eandemque à cive civi, à civitate agris, communicatam grassari. Hæc in *acutis* etiam *contagii* observatio, *variolarum* atque *morbilorum* exemplo non adeo infreqvens, in *Intermittentibus* autem rarior. Qualem casum nobis inspicere licuit, ubi mater *semitertia-naria* commotione febrili, laborans, puerulum *quingennem*, sub uno lecto secum recubantem, hæc ipsa infecit, typo undique prorsus eodem servato. Ad *serosas* Affectiones quod attinet, quis ibi solo attactu repente aliquid transplantari posse dubitet, cum de *Scâbie* aut *Lus venerea* saltem rationem ineat, quo & illud Poëtæ quadrat:

Uvaeque conspecta livorem duxit ab uva.

XVIII.

Auxilium itaque quando his rebus inducendum, sciunt suarum rerum satagentes, quomodo sæpius artem simul & artifices fatigare soleant; imo quod *pestis* ratione, omnis *artis* opera penitus propemodum frustra sit, & scopo potissimum *præservationis*, nullum aliud refugium, quam, ad *Abstinentiam*, relinqvatur. Hætenus enim omnibus, per mare per terras conquisitis atque tentatis, nihil utique tam

evidenter profuit, quam τὸ ἀπέχεσθαι, ab omni commercio tali-
in peste infectorum abstinere.

XIX.

Corporis, atque animi, Motus, si cum debita modera-
tione fiant, non solum nihil nocent corpori, sed revera pro-
sunt. Nam alacritas animi, moderatum gaudium, & hilaritas,
dum animum erigunt; efficiunt etiam, ut mæror, Timer,
atque Trepidatio, non tam facile aditum inveniant, aut acti-
onum tranquillitatem turbent; qualis turbatio alias valde
multum potest, ad æstimandam, atque recte tractandam, etiam
leviorum periculorum syndromen. Ita enim v. g. videmus
sæpe, quod ægri, qui soli relictæ, præsertim à qualicunque do-
lore, aut aliis angustiis, valde male se habent; si sodalium, aut
visitatio ipsis obtingit, ab hominibus, quorum præsentia ip-
sis grata est, longe mitius se gerant, & quasi tantisper oblivif-
cantur mali sui, quamdiu tali occasione, animum suum eri-
gendi & quasi exhilarandi, fruuntur.

XX.

Imò, est assatim nota, ingens illa perturbatio vitalium
actionum, appetitus, concoctionis, nutritionis, & incrementi
corporis, quæ, cum quietis etiam magna turbatione, ejusmo-
di subjectis evenit, quæ singulari sensibilitate animi pollent
quando desiderio absentium, & tedio, aut timore, præsen-
tium rerum, afficiuntur; quod Germani, die Sehnsucht,
Græca doct τοσαύτης appellant: adeo, ut non solum malè
ipsis sit, imò vel ad decubitum usque, quamdiu animus
his adversissimis Idæis defixus est; sed etiam, sicubi vel so-
la spes proximæ remissionis ad suos lares, aut reditus de-
sideratorum, ipsis proponitur, statim melius habere sentian-
tur; quando vero desiderio hoc suo potiti sunt, velut in ho-
ras, cum animi alacritate, etiam corporis, & omnium vita-
lium actionum, vigor, in optimum ordinem restituitur. Et
notissima talia sunt exempla, ut etiam in lentis febribus,
cum mærore & fastidio animi conjunctis, inexpectatus ad-
ven-

ventus cognatorum, aut aliorum charorum familiarium, intra paucos dies efficiat, quod nulla ars assequi potuerat.

XXI.

Nihilo verò minus habet etiam *corporis motus* bene ordinatus, insignem suam utilitatem; dum neminem hominum latet, quantum incommodorum *desidia* atque *solennolentia*, hominibus objiciat: præsertim quando interim *edacitas* & plenus victus continuatur. Sicut etiam, ex ad-
verso, inconsiderati *repentini motus*, tam *Concoctionem* at-
que *distributionem* alimentorum notoriè turbant, quam san-
guinem *exagitant*, & cum *respirationis* vitiis, etiam æqua-
lem motum humorum per *pulmones*, lædere possunt. A quo-
rum proinde *motuum*, *animi* æque atque *corporis* tranquillita-
tem turbantium, usu, meliore æqui librio servato, *absti-
nentia* seu *Quies*, omnino convenit.

XXII.

Nequaquam autem inter has res, Medico *artificiali* scopo atque ordine jam propinquioris oblivisci licet, *Expectationis*. Habuit de hac re, conceptum in animo, certè u-
beriore atque ordinatiore enucleatione dignum, *Gideon
Harvæus*; & melius sine dubio egisset, si potius, aut certe
prius, *positive* deduxisset, *Expectationis* utilitatem, imo pas-
sim necessitatem; quam *negative*, per odiosa exempla (quo-
rum nimis abundans numerus utique occurrit,) inutilita-
tem solum, imo damna, neglectus illius, taxavisset.

XXIII.

Est enim certè vera atque solida consideratio, justæ at-
que bene ordinatæ *Expectationis*, tale negotium; quod non
solum *praxi* medicæ, nominatim autem *veræ methodo me-
dendi*, ingentem lucem affundit; sed etiam è penitissima
vera *Historia morborum*, ad *Pathologica Therapeuticam* sci-
entiam, ita tanquam ex intimis fundamentis eruenda venit,
ut objectum præbeat, circa quod doctus & peritus Medicus,
eximiè ostendere possit solidam suam artis, scientiam æquè,
atque peritiam.

XXIV.

Huic enim rei propriè superstruenda venit, vera rationalis æstimatio *Abſtinentiæ Medici*. *Scientia* inquam, frequentiffime maximi momenti, imo ponderis, AN arte aliquid agendum veniat; & *quo tempore*, confilia vel auxilia bona, legitimum ſuum uſum aſſequi fortè poſſint? quæ res quanti momenti ſit in omnis generis *Febris*, & tanto magis ſumme ſenſibilibus periculoſioribus, uti neque neminem cum ſolertia peritum practicum fugere debet; ita in minus periculoſis, *intermittentibus*, præſertim tamen *importunioribus*, vel ipſorum ſtultorum, ut habet proverbium, Magiſtra, experientia, tanto facilius perculit aliquantò attentiores, ut, licet veras rationes (nempe ſuper *incendita medicatione*, vulgari traditione laudata, fundatas,) non ſatis aſſequerentur, tamen ex ipſa obſervatione, cautelam illam comprehendere, & tanquam axiomatis loco comendent, quod *verſus* paroxyſmos, & *in paroxyſmis*, à medicamentis præſtet *abſtinere*; dum nempe uſitatis illorum formulis aut certè *præpoſtero* talium uſu, manifeſtò experiuntur, pejus potius habere ægros, & paroxyſmos *laborioſiores* fieri, quam ut promiſſum levamen illis inde eveniat. Id quod quilibet attentus practicus facillimè obſervare poteſt, ab exhibitio-
ne ſic dictorum *Bezoarticorum*, & tam remediorum, quam regiminum, *ſudoriferorum*, *per initia* paroxyſmorum, commendatâ: utpotè à quibus *æſtus* ſolum, cum omnibus reliquis *moleſtiis*, exaſperatur; & tamen nullus, aut certe nequaquam utilis, *ſudor* obtinetur: qui *verſus finem* paroxyſmi, vel ſolo tranquillo *regimine*, vel, pro diverſitate Temperamentorum, tunc prudenter propinatis *alexi pharmaco-ſudoriferis*, tam ſucceſſu, quam effectû meliore, impetratur.

XXV.

Sicut autem hæc, uti præmonuimus, quaſi ad *Medici abſtinentiam* ſimplicius reſpiciunt; adeoque nobis tribui poſſet,

posset, quasi ultra nostri propositi limites evagaremur, quo non tam *medici*, quam *ægri* abstinētiā commendandā in nos recipere professi sumus; non tamen ita aliena haberi debet hæc nostra *digressio*, cum manu quasi ducat, ad hanc ipsam *ægris* omnino commendandā *abstinētiā*, à nimium familiari illa *Polypragmosyne*, quam ipsi *ægri* passim sibi sumunt, eique temere indulgent. Dum sæpissime homines offendimus, qui in negotio tuendæ sanitatis sibi ipsis sufficere persuasi, non tantum contemplationes de sui corporis œconomiâ, nescio quas formant; morborum genium, causas, licet has quandoque summe ridiculas, determinant; sed etiam remedia, quæcunque aut primum obveniunt, aut non adeò magni sunt pretii, aut quæ ex alio capite placent, aut, quod primo loco dicendum, quæ prodesse ipsi putant, audacter fati applicant.

XXVI.

Hi sæpius domi habent, unde ægrotent. Medicamenta eorum intelligo Domestica illis dicta, *Hauß-Mittelgen*. Quid damni hinc inde attulerint, *Balsamus sulphuris*, *sulphur* ipsum: ex *Terebinthinâ*, *cumino*, *baccis juniperi* præparata, nonnunquam etiam famosum *Elixir Proprietatis*, *Tinctura Bezoard*. ut alia jam taceam, abunde notum est, & indies adhuc innotescit. Omnia interim hæc, in quotidiano sunt usu, licet *plebejis* plerumque; cum divites aliud offendiculum habeant. *Arcana* enim sunt, quibus detinentur. Ejusmodi nimirum simplicium compositiones, quæ celebri alicui Medico nomen suum debent. Quæ cuncta, ut in se bona esse, & certo usui inservire possint, promiscuè nihilominus, & absque debito judicio, *Medico-Practico*, (quis autem horum hoc præditus?) usurpata, eundem in modum ac plebejorum medicinæ, nocere possunt, imo solent. Quibus periculis expositi haud sunt, qui curæ *prudentis* Medici se totos tradunt, & medicamentis omnibus, antequam à
Medi-

Medico præscribantur, unicum hunc competere titulum, *noli me tangere*, intelligunt.

XXVII.

Ex quibus jam dictis, cum satis superque constet, quòd *Abstinencia* à nobis descripta, tam *avertendis* quàm *tollendis* morbosis affectionibus multum omninò possit, imò soleat etiam præstare, nihil amplius superest, quàm adhortari omnes, quibus intaminata sui corporis conservatio curæ est, ut ad ejusmodi res, & factu faciles, & in ipso facto utiles, æquè ac necessarias, præ cæteris minus talibus, animum decenter advertant. Deo interea grates decentes persolvimus, quod vires concefferit omnes res ad sanitatem pertinentes vel ut uno obtutu in conspectum dare, atque hinc & inde salutaria quædam consilia suppeditare. Faxit divina Clementia, ut nullò tempore desint, qui aptè detegant, quid verè noceat, & sedulò præmoneant ab ejusmodi rebus abstinere.

